

## San Francesco

Omu semplici, bravu e 'ntiliggenti,  
di patri riccu, 'mpurtanti e pussidenti,  
ma a iddu di li beni 'un cci 'ntirissava nenti,  
lu so cori era tuttu pi aiutari la genti.

'Un pinzava pi iddu, ma dava aiutu all'atri.  
Aiutava a li tanti puvureddi c'avivanu pitittu  
c'avivanu bisognu di pani pi manciari,  
d'acqua pi viviri, d'amuri pi amari.

Chiddu chi nun lu capiva era so patri,  
cci diciva : "Tu penza pi tia, nun pinzari all'atri".  
Si sirvutu e rivirutu, nun ti manca nenti,  
làssali stari 'sti lordi, fregatinni di la genti.

Lu giovani Francesco, vinni lu cavaddu  
e li stoffi di so patri e li sordi li purtà  
a lu parrinu pi ristaurari San Damianu.  
Eccu l'omu sinsibbili, l'omu umanu.

So patri vuliva sordi e stoffi 'ndietru.  
Tutti cosi cci detti e senza vrigogna  
si spoglia davanti a tutti di li so vesti  
nudu comu lu fici so matri, si nni va dicennu:

"A tia haiu chiamatu patri miu,  
ora chiamerò patri sulamenti a Diu".

Caminava cu 'na tunaca e un paru di sànnuli.  
Pi pinitenza e amuri a Diu si stricava 'nterra  
di lu jiardinu mezzu li spini chinu di rosi.  
Unni iva purtava fidi e curava li lebbrosi.

Dopu tanti sacrifici e tanti pinitenzi,  
lu Signuri lu chiamà a Sè, lu fici Santu.  
Ora tutti natri cantamu gridannu la sò gloria,  
a lu poviru San francesco ca ristà nni la storia.

Viva San Francesco, San Francesco viva .

2015 Giuseppe Cardella